

Dumonda Geisseler concernent il transferiment dal traffic da rauba da la via sin la viafier

Per il Grischun sco «chantun da transit» è il transferiment dal traffic da rauba da la via sin la viafier d'ina impurtanza centrala. D'ina vart è il transport cun la viafier pli effizient areguard l'energia e schanegia pia er meglier l'ambient ch'il transport cun camiuns. Da l'autra vart reducescha il transferiment da rauba sin la viafier er il volumen da traffic sin las vias dal Grischun che arrivon gia per part a lur cunfins pervia dal traffic individual, per exempel sin la ruta dal San Bernardin.

Per promover il transferiment dal traffic da rauba da la via sin la viafier ha la Confederaziun concludì il november 2019 novas mesiras. Er il chantun Grischun promova il transferiment da rauba da la via sin la viafier. La Viafier retica (VR) intensivescha er sias stentas en quest regard. Per exempel è creschi il volumen da rauba che la VR ha transportà u è vegnida extendida la rait dal traffic da rauba da la VR.

E tuttina ha il transferiment dal traffic da rauba da la via sin la viafier anc fitg bler potenzial en il Grischun. Sut quest aspect supplitgeschan las sutsegnadras ed ils sutsegnaders la Regenza da responder las suandantas dumondas:

1. È er la Regenza dal medem avis sco las sutsegnadras ed ils sutsegnaders ch'il transferiment dal traffic da rauba da la via sin la viafier è da gronda impurtanza per il chantun Grischun e ch'il Grischun ha anc bler potenzial da svilup en quest regard?
2. Planisescha la Regenza da promover en il futur pli fitg il transferiment dal traffic da rauba da la via sin la viafier (analogamain a la Confederaziun)? Per exempel cun la finanziaziun (parziala) da projects concrets da la VR?
3. È la Regenza pronta da manar in dialog cun la VR per far sforzs da realisar projects actuals che gidan a promover il transferiment dal traffic da rauba da la via sin la viafier?
4. En il rom da l'incumbensa Wilhelm concernent in Green Deal per il Grischun: nizzegiar la protecziun dal clima sco schanza è la Regenza vegnida incumbensada da preschentar in plan d'acziun cumplexiv «Green Deal per il Grischun» che cuntegna mesiras concretas ed efficacias a favur da la protecziun dal clima. Ha la Regenza l'intenziun d'integrar en il plan d'acziun er la promoziun dal transferiment dal traffic da rauba da la via sin la viafier?

Cuira, ils 12 da favrer 2020

Geisseler, Tanner, Wilhelm, Atanes, Berther, Buchli-Mannhart, Cahenzli-Philipp, Caluori, Cantieni, Cavegn, Cramer, Epp, Fasani, Flütsch (Spleia), Gartmann-Albin, Gasser, Hefti, Hofmann, Kunfermann, Loepfe, Natter, Noi-Togni, Perl, Preisig, Rettich, Rüegg, Rutishauser, Sax, Schneider, Schutz, Widmer-Spreiter (Cuira), Zanetti (Sent), Spadarotto, Stieger